

Luaskan jaringan perniagaan



Latih 1.600 wanita mahir ICT

Menyadari kepentingan itu, sejak tahun 1999, Universiti Kebangsaan Malaysia (UKM) melatih kira-kira 1,500 wanita termasuk ibu tunggal dengan kemahiran ICT.

Usaha itu memberi manfaat kepada ramai peserta mahir menggunakan komputer, talian internet dan menceburi perniagaan elektronik.

Presiden E-Ushawan Wanita Malaysia (EWA Malaysia), Prof Datin Dr Norizan Abdul Razak, berkata projek itu bertujuan merapatkan jurang digital, sekali gus menarik lebih ramai wanita celik ICT.

"Jadi, projek ini disasarkan kepada wanita yang tidak mempunyai pendapatan tetap, suri rumah, pelajar dan usahawan kecil untuk mendalami teknologi bagi melonjakkan diri dalam bidang keusahawanan.

"Penyelidikan dilakukan menerusi Projek Penyelidikan Memperkasa Wanita dengan ICT bertujuan memberi kemahiran kepada golongan Hawa dalam e-dagang," katanya kepada FAMILI, baru-baru ini.

Pada asalnya, projek itu membabitkan 999 usahawan wanita yang dilatih dengan kemahiran digital dan ICT ke arah mewujudkan laman web niaga, teks pengiklanan, fotografi dan perbankan elektronik.

EWA Malaysia meluaskan sayapnya ke Terengganu, Johor dan Sabah menerusi projek sama.

"Antaranya ialah Projek Pembangunan Usahawan Wanita Terengganu-Jendela IKS 2011, Pembangunan Inkubator Mobil Usahawan Wanita 2012 dan Pembangunan Komuniti Usahawan PKS Mersing Johor.

"Projek itu kemudian diteruskan dengan Perkhidmatan Pemasaran Pintar untuk PKS 2014," katanya yang mengetahui semua projek yang dijalankan itu.

Turut serta, kumpulan penyelidikan daripada ahli akademik dan usahawan berjaya yang memberi inspirasi kepada usahawan baharu.

Teknologi sentiasa berkembang

Gajet dan perisian komputer antara yang sentiasa berubah, kebiasaan kitaran terabit hanya bertahan sehingga enam bulan sebelum ia menampilkan teknologi baharu.

Kemahiran digital mengambil masa untuk dipelajari terutama kepada individu yang buta IT, menyebabkan mereka lebih selesa menggunakan kaedah manual.

Norizan yang juga Pengarah Pusat Komunikasi Korporat UKM, berkata pengalaman lebih 25 tahun dalam mengemudi Pengajian Digital Literasi dan E-Pembelajaran, menyimpulkan kaedah berkesan

untuk mempraktikkan kemahiran berkesan.

"Kita berdepan kekangan apabila kemudahan komputer tidak mencukupi, tempat latihan dan peserta tidak dapat menguasai pembelajaran dengan cepat. Kita mengalu-alukan usahawan veteran membawa anak mereka untuk belajar ICT," katanya.

Galak kongsi kepakaran

Memastikan kejayaan, beliau menasihatkan usahawan melakukan proses mentor dan mentee yang menggalakkan perkongsian idea menerusi pembentangan dalam kumpulan.

"Ini sekali gus meminimumkan kelemahan, memberikan cetusan idea lebih menarik yang lebih dikenali sebagai model kanvas perniagaan.

"Sebenarnya untuk menjadi ahli EWA, yuran permulaan hanya RM30, kad pendaftaran RM3 dan yuran tahun berikutnya RM12 setahun, namun manfaatnya sangat meluas.

"Pada masa sama, kemahiran digital membantu usahawan memahami penipunan alam maya, meluaskan empayar ke dunia global dengan mengembangkan produk IKS mereka," katanya memaklumkan keahlian dibuka kepada wanita berusia 18 tahun ke atas.

» Usahawan wanita guna kemahiran ICT untuk tingkatkan penguasaan pasaran

Oleh Mahani Ishak
mahani@bh.com.my

Teknologi maklumat dan komunikasi (ICT) membentuk masyarakat celik teknologi, sekali gus menjadikan semua perkara dicapai tanpa sempadan.

Hakikatnya, penguasaan ICT boleh memberi banyak manfaat kepada peniaga termasuk pengusaha Industri Kecil dan Sederhana (PKS) untuk mengembangkan perniagaan dengan lebih berkesan.

Mungkin bagi sesetengah individu, dunia ICT tidak relevan dalam perusahaan mereka yang dianggap kecil dan hanya tertumpu dalam jaringan terhad.

Sebaliknya, kemajuan teknologi menggalakkan interaksi alam maya yang membuatkan pelanggan lebih cenderung membuat tempahan awal, meneliti produk dan perkhidmatan menerusi aplikasi dalam talian.

Potensi dan jaringan luas

Norizan yang juga profesor dalam Pengajian Digital Literasi dan E-Pembelajaran, Fakulti Sains Sosial dan Kemanusiaan UKM, berkata jalinan maya membantu wanita menerokai potensi perniagaan baharu tanpa menghadkan hubungan fizikal.

"Menerusi pendekatan digital, peserta ini dilatih menggunakan ICT untuk memajukan perniagaan masing-masing termasuk mereka yang bekerja dari rumah.

"Daripada maklum balas yang diterima, peluang penyertaan harus dibuka kepada generasi muda untuk meningkatkan kemahiran kepada golongan itu," katanya sambil menjelaskan usaha itu membabitkan banyak kementerian.

Tidak hanya tertumpu kepada program yang diadakan di UKM,

“Projek ini disasarkan kepada wanita yang tidak mempunyai pendapatan tetap, suri rumah, pelajar dan usahawan kecil untuk mendalami teknologi bagi melonjakkan diri dalam bidang keusahawanan”

Norizan Abdul Razak,
Presiden EWA Malaysia



Norizan bersama kakitangannya di Bangi.

[FOTO SHIRAZ ALI / BH]

PETUA



Rawat senggugut

Untuk meredakan senggugut akibat datang haid. Ambil sembilan biji pinang tua, dibakar tanpa minyak hingga menjadi arang. Kemudian, tumbuk hingga halus.

Campurkan serbuk pinang bakar dengan secawan air suam dan minum selama sembilan hari berturut-turut sebaik datang haid.